

ՀԱՍՏԱՏՎԱԾ Է

«Անալիտիկ» ՓԲԸ

-----2020 թ.

տարեկան ընդհանուր ժողովի կողմից

Ժողովի նախագահ ՀՀ ՏԿԵՆ

Նախարար Ս. Պապիկյան



«ԱՆԱԼԻՏԻԿ» ՓԲԸ

2019 ԹՎԱԿԱՆԻ ՏԱՐԵԿԱՆ

ՀԱՇՎԵՏՎՈՒԹՅՈՒՆ

-ԵՐԵՎԱՆ -

ԲՈՎԱՆԴԱԿՈՒԹՅՈՒՆ

1. Տեղեկատվություն Ընկերության, նրա կառավարման մարմինների և ենթակառուցվածքների մասին
2. Արտադրական գործունեություն
3. Ֆինանսատնտեսական գործունեություն
4. Աշխատանք և աշխատավարձ
5. Եզրափակիչ դրույթներ
6. Հավելվածներ

I. ՏԵՂԵԿԱՏՎՈՒԹՅՈՒՆ ԸՆԿԵՐՈՒԹՅԱՆ ՄԱՍԻՆ

Անվանումը՝

հայերեն լրիվ

«Անալիտիկ» փակ բաժնետիրական ընկերություն

կրճատ

«Անալիտիկ» ՓԲԸ

ռուսերեն լրիվ

Закрытое акционерное общество <Аналитик>

կրճատ

ЗАО <Аналитик>

անգլերեն լրիվ

<Analytic> closed joint-stock company

կրճատ

<Analytic> CJSC

հասցեն

ՀՀ, ք. Երևան, Կոմիտաս 29, 0012

հեռախոսը

(+37410) 275073

հարկային մարմինում
գրանցման համարը

00000749

«Անալիտիկ» ՓԲԸ հաշվարկային հաշվի
համարը՝ Արդշինբանկ

247010000526

Պետ.ռեգիստրում գրանցման ամսաթիվը

12.02.2009թ.

Գրանցման համարը

26414000773

Վկայականի թիվը

01 Ա 008033

Իրավակազմակերպական ձևը

փակ բաժնետիրական ընկերություն

Ընկերության կանոնադրական հիմնադրամի մեծությունը կազմում է 10970000 դրամ, բաժնետոմսերի քանակը 47 հատ հասարակ (սովորական) անվանական բաժնետոմսեր: Մեկ բաժնետոմսի անվանական արժեքը 233404 դրամ:

Բոլոր բաժնետոմսերը տեղաբաշխված են, պատկանում են Հայաստանի Հանրապետությանը, վճարված են նրա կողմից և կառավարվում են ՀՀ կառավարության և նրա լիազորված անձի ՀՀ տարածքային կառավարման և ենթակառուցվածքների նախարարի կողմից:

ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՄԲ ՆԱԽԱՏԵՄՎԱԾ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

Ընկերության ստեղծման նպատակն է տնտեսական գործունեություն իրականացնամբ շահույթի ստացումը:

Իր առջև դրված նպատակներն իրականացնելու համար Ընկերությունը զբաղվում է տնտեսական գործունեության հետևյալ հիմնական տեսակով՝ օգտակար հանածոների հանքավայրերի հայտնաբերման և հետազոտման նպատակով արշավախմբերի կողմից ներկայացրած երկրաբանական նմուշների համալիր հետազոտում,

Ընկերությունը կարող է իրականացնել օրենքով չարգելված ցանկացած տնտեսական գործունեություն:

Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի առկայության դեպքում՝ լիցենզիա ստանալու պահից կամ դրանում նշված ժամկետում: Եթե լիցենզիայի պայմաններով նախատեսված է, որ Ընկերությունը, բացի լիցենզավորվող գործունեությունից, չի կարող զբաղվել այլ գործունեությամբ, կամ սահմանափակումներ են դրվում գործունեության այլ տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվելու այլ գործունեությամբ, բացառությամբ լիցենզիայով չարգելված գործունեության:

Ընկերությունն ունի «Որակի բնագավառում քաղաքականություն»:

ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ

1. Բաժնետիրոջ ընդհանուր ժողով՝ Ընկերության կառավարման բարձրագույն մարմին

Սուրեն Պապիկյան – ՀՀ տարածքային կառավարման և ենթակառուցվածքների նախարար, ընկերության բաժնետոմսերի կառավարման լիազորություններն իրականացնող

2. Ընկերության միանձնյա գործադիր մարմին՝

Սուսաննա Հովսեփի Սարգսյան - ընկերության գլխավոր տնօրեն

ԸՆԿԵՐՈՒԹՅԱՆ ՍՏԵՂԾՄԱՆՆԵՐ ԴԱՏԱՌՈՒԹՅԱՆ ՀԱԿԻՐՃ ՆԿԱՐԱԳՐՈՒԹՅՈՒՆԸ

«Անալիտիկ» փակ բաժնետիրական ընկերությունը ստեղծվել է ՀՀ բնապահպանության նախարարության 26.12.1997թ. N 135 որոշման համաձայն, «Անալիտիկ» ՊՓԲԸ «Կենտրոնական լաբորատորիա» պետական ձեռնարկության վերակազմավորման ճանապարհով: Ընկերությունը հանդիսանում է «Կենտրոնական լաբորատորիա» պետական ձեռնարկության իրավահաջորդը (վկայական 01Ա008033, գրանցման թիվ 264.140.00773): ՀՀ կառավարության 15.05.2008թ. թիվ 653-Ն որոշմամբ «Անալիտիկ» ՊՓԲԸ-ի բաժնետոմսերի կառավարման լիազորությունները վերապահվել են ՀՀ էներգետիկայի և բնական պաշարների նախարարին: Ընկերության 30.12.2008թ. արտահերթ ընդհանուր ժողովում ընկերությունը վերանվանվել է «Անալիտիկ» ՓԲԸ:

Ընկերության կանոնադրությունը իրավաբանական անձանց պետոեզիստրի Արաբկիրի տարածքային բաժնում գրանցվել է 12.02.2009թ.:

ՏԵՂԵԿԱՏՎՈՒԹՅՈՒՆ ԵՆԹԱԿԱՌՈՒՑՎԱԾՔՆԵՐԻ ՄԱՍԻՆ

Ընկերության տնօրինության տակ է գտնվում լաբորատոր նպատակներով կառուցված շենքը, որը շահագործման է հանձնվել 1970 թվականին, և կից հողատարածքը:

ՀՀ կառավարության 21.05.1998թ. թիվ 311 որոշման համաձայն ընկերությանը պետական սեփականության իրավունքով տրամադրվել է անշարժ գույքի սեփականության (օգտագործման) իրավունքի գրանցման վկայական, որը գրանցվել է անշարժ գույքի կադաստրի պետական կոմիտեի 1-2 մատյանի 0000054 համարի տակ, իսկ 12.07.2017թ. վերագրանցվել N 12072017-01-0254 համարի տակ:

Շենքի ընդհանուր մակերեսը կազմում է 4732.4 քառ. մետր, իսկ հողամասի չափը՝ 0.42 հա:

II. ԱՐՏԱԴՐԱԿԱՆ ԳՈՐԾՈՒՆԵՈՒԹՅՈՒՆ

2019 թվականի ընթացքում «Անալիտիկ» փակ բաժնետիրական ընկերությունն աշխատել է 2 մասնագիտացված լաբորատորիաներով՝

1. ֆիզիկո-քիմիական մեթոդներով հետազոտման լաբորատորիա
2. քիմիական և ոչ հանքային հումքի լաբորատորիա

Լաբորատոր աշխատանքների ծավալը, դրամական արտահայտությամբ (առանց ԱԱՀ-ի) կազմում է 97082.0 հազ դրամ: Ըստ մասնագիտացված լաբորատորիաների կատարված աշխատանքների ծավալը հետևյալն է.

N	Մասնագիտացված լաբորատորիա	2019թ. կատարված ծավալը (մլն դրամ)	2019թ. կատարված ծավալը /սմուշ/
1.	Ֆիզիկո-քիմիական մեթոդներով հետազոտման լաբորատորիա	34.1	3412
2.	Քիմիական լաբորատորիա և ոչ հանքային հումքի լաբորատորիա	63.07	6044
	<i>Ընդամենը</i>	97.08	9456

Ընդերքի հետ կապված երկրաբանական խնդիրների լուծումն անհնար է առանց լաբորատոր ուսումնասիրությունների, քանի որ այդ արդյունքների շնորհիվ է հնարավոր հաստատել հետազոտվող օգտակար հանածոների որակական ու քանակական բնութագրերը, քիմիական կազմը և դրանց արդյունաբերական օգտագործման ուղիները: Լաբորատոր ուսումնասիրությունների արդյունքը՝ երկրաբանական աշխատանքների հայելին է, ուր յուրաքանչյուր անալիտիկ տվյալ իր արտացոլումն է գտնում այդ աշխատանքների արդյունավետության մեջ:

«Անալիտիկ» ՓԲ ընկերության տեխնիկական զինվածությունը, կադրերի բարձր որակավորումը և ժամանակակից այնպիսի անալիտիկ մեթոդների կիրառումը՝ ինչպիսիք են ատոմային-աբսորբցիան, թերմոգրավիմետրիան, ինֆրակարմիր սպեկտրոսկոպիան, թերմիկան, դիֆրակտոմետրիան և այլն, հնարավորություն են տալիս լաբորատոր հետազոտությունները կատարել պատշաճ մակարդակով, ապահովելով վստահելի անալիտիկ տեղեկատվություն երկրաբանական աշխատանքների ցանկացած փուլում:

Լաբորատոր հետազոտությունների հիմնական առարկաներն են հանդիսանում բազմամետաղ, սուլֆիդային, պղնձային, պղնձակոլչեդային, պղնձամոլիբդենային հանքանյութերը, սիլիկատային լեռնային ապարները, խմելու, ոռոգման և հանքային ջրերը, շինանյութերը և այլն:

2017 թվականի ընթացքում գերմանական նշանավոր TÜV NORD ընկերության կողմից անցկացվեց «Անալիտիկ» ՓԲԸ-ի Որակի կառավարման համակարգի հերթական աուդիտը, (սկսած 2011թվականից), որի արդյունքները մեկ անգամ ևս հաստատեցին լաբորատորիայի որակի համապատասխանությունը միջազգային ստանդարտի պահանջներին: 2019թ. Ընկերությունը ստացավ Որակի միջազգային սերտիֆիկատ՝ ISO 9001:2015:

1. Ֆիզիկո-քիմիական մեթոդներով հետազոտման լաբորատորիայում կատարվում են թանկարժեք մետաղների պարունակության որոշումներ՝ տարբեր անալիտիկ մեթոդներով:

2. Քիմիական և ոչ հանքային հումքի լաբորատորիայում կատարվում են սև, գունավոր, թանկարժեք մետաղների պարունակության, հազվագյուտ ու ցրված, ալկալիական մետաղների ապառաժին էլեմենտների, ջրերի նմուշների քիմիական հետազոտումներ: Կատարվում են երկրաբանական նմուշների (լեռնային ապարներ, շինանյութերի) ֆիզիկական և մեխանիկական փորձարկումներ: Արդյունքների հիման վրա տրվում է եզրակացություն, որտեղ նշվում է հետազոտված նմուշների համապատասխանությունը ստանդարտի պահանջներին և նպատակային օգտագործման հնարավորությունները:

III. ՖԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅՈՒՆ

2019 թվականին հիմնական գործունեությունից ծավալը (առանց ԱԱՀ-ի) կազմել է 97082.0 հազ. դրամ, նախահաշվով նախատեսված 100000.0 հազ. դրամի փոխարեն: Նշված եկամուտի գոյացման աղբյուրներն են մասնագիտացված լաբորատորիաների կողմից կատարված երկրաբանական նմուշների լաբորատոր հետազոտումները:

Այլ եկամուտը կազմել է 9587.0 հազ. դրամ, որից՝ գործառնական վարձակալություն՝ 6711.0 հազ. դրամ, ֆինանսական ներդրումներից /ավանդ/ բանկի տոկոսներից ստացված և այլ եկամուտ՝ 2876.0 հազ. դրամ: Ընդամենը համախառն եկամուտը կազմել է՝ 106669.0 հազ. դրամ:

Ընդհանուր ծախսերը կազմել են 94493.0 հազ. դրամ, որից՝ իրացված աշխատանքների ինքնարժեքը՝ 66700.0 հազ. դրամ, վարչական ծախսերը՝ 26241.0 հազ. դրամ, գործառնական այլ ծախսերը՝ 1552.0 հազ. դրամ, որից հարկեր՝ 1399.0 հազ. դրամ (հավելված 1):

Աշխատավարձ և դրան հավասարեցված վճարումները կազմել են 70939.0 հազ. դրամ:

2019թ. ընկերությունն ապահովել է 12176.0 հազ. դրամի շահույթ նախատեսված 11600.0 հազ. դրամի փոխարեն:

Ընդհանուր ծախսերի մեջ առանձին ծախսային հոդվածների համամասնությունը տոկոսային արտահայտությամբ կազմում է՝

հազ. դրամ

Աշխատավարձ և դրան հավասարեցված վճարներ	70939	75,1%
Հումք և նյութեր	7298	7,7%
Հիմնական միջոցների վերանորոգման, սպասարկման ծախսեր	180	0,2%
Հիմնական միջոցների և ոչ նյութական ակտիվների ամորտիզացիա	9189	9,7%
Այլ ծախսեր	5488	5,8%
Հարկեր	1399	1,5%
Ընդամենը	94493	100%

Ընկերության ակտիվների կառուցվածքում ոչ ընթացիկ ակտիվները կազմում են 89,8 %:

Սեփական կապիտալը կազմում է 866993.0 հազ. դրամ և կազմում է հաշվեկշռի պասիվային մասի 81,4%: Կանոնադրական կապիտալի գուտ գումարը կազմում է 10970.0 հազ. դրամ:

Շահութահարկի գծով ծախսը կազմել է 2603.0 հազ. դրամ: Զուտ շահույթը շահութահարկի գծով ծախսի նվազեցումից հետո կազմել է 9573.0 հազ. դրամ:

IV. ԱՇԽԱՏԱՆՔ ԵՎ ԱՇԽԱՏԱՎԱՐԶ

2019թ. ընթացքում ընկերության փաստացի աշխատողների միջին ցուցակային թվաքանակը կազմել է 21 մարդ: Մասնագիտական որակավորում պահանջվող աշխատողների 100%-ը ունեն համապատասխան բարձրագույն կրթություն:

2019թ. ընթացքում աշխատողներին վճարված աշխատավարձը և դրան հավասարեցված վճարները կազմել են 70939.0 հազ. դրամ, միջին աշխատավարձը կազմել է 281.5 հազ. դրամ:

Ընկերությունում գործում է «Անալիտիկ» ՓԲ ընկերության աշխատողների վարձատրման և խրախուսման կանոնակարգը:

V. ԵԶՐԱՓԱԿԻՉ ԴՐՈՒՅԹՆԵՐ

2019թ. ընթացքում երկրաբանական նմուշների լաբորատոր հետազոտումներ կատարելու համար կնքվել են պայմանագրեր 18 ընկերությունների հետ, ինչպես նաև համապատասխան պայմանագրեր են կնքվել Ընկերության արտադրական գործունեության անխափան ընթացքը ապահովող տարբեր կազմակերպությունների հետ:

2019թ. ընթացքում նախատեսված բոլոր հարկերը յուրաքանչյուր ամիս, օրենքով նախատեսված ժամկետներում, վճարվել են պետություն:

2019թ. նոյեմբերի 1-ի դրությամբ ընկերությունում անց է կացվել ընկերության հաշվեկշռում արտացոլված ակտիվների և պարտավորությունների գույքագրում, որի արդյունքներն արտացոլվել են 2019թ. տարեկան հաշվետվություններում: Ընկերությանը հասցված վնասի, անօրինական դուրս գրումների, վճարումների և ծախսերի դեպքեր, ինչպես գույքագրման արդյունքներով, այնպես էլ տարվա ընթացքում չեն արձանագրվել:



Ս. Սարգսյան

Հաշվապահական հաշվեկշռի N2 Ձև-ի բացվածք

		հազ. դրամ
տող 010	Արտադրանքի, ապրանքների, աշխատանքների ծառայությունների իրացումից հասույթ	97082
	• երկրաբանական նմուշների հետազոտումից հասույթ	97082
տող 020	Իրացված արտադրանքի, ապրանքների, աշխատանքների, ծառայությունների ինքնարժեք	(66700)
	• արտադրական աշխատակազմի աշխատավարձ և դրան հավասարեցված վճարումներ	(47409)
	• նյութական ծախսեր /նյութեր, արագամաշ առարկաներ/	(7205)
	• արտադրական նշ. հիմն. միջոցների նորոգման, սպասարկման ծախս	(180)
	• մաշվածություն	(9172)
	• էլ. էներգիա	(2118)
	• այլ ծախսեր / ջուր, այլ/	(616)
տող 050	Վարչական ծախսեր	(26241)
	• վարչական անձնակազմի աշխատավարձ և դրան հավասարեցված վճարումներ	(23530)
	• փոստի և հեռահաղորդակցության ծախսեր	(492)
	• գրասենյակային, կոմունալ ծախսեր, առդիտ և այլ՝	(2159)
	• բանկային ծառայության ծախսեր, ապահովագրական ծախսեր	(60)
տող 070	Գործառնական այլ եկամուտ	6711
	• վարձակալություն	6711
տող 080	Գործառնական այլ ծախսեր	(1552)
	• հարկեր /հողի հարկ, գույքահարկ/	(1399)
	• Փոխարժեքային տարբերություն	(153)
տող 130	Այլ ոչ գործառնական շահույթ (վնաս)	2876
	• ընկերության դրամական միջոցները բանկում ներդնելու արդյունքում /ավանդ/ ստացված տոկոսներ և այլն	2876
տող 160	Ջուտ շահույթ (վնաս) նախքան շահութահարկի գծով ծախսի նվազեցումը	12176
տող 170	Շահութահարկի գծով ծախս (փոխհատուցում)	(2603)
տող 180	Ջուտ շահույթ (վնաս) շահութահարկի գծով ծախսի նվազեցումից հետո	9573

«Անալիտիկ» ՓԲԸ
գլխավոր տնօրեն



Ս. Սարգսյան